

II - ARABAKO LURRALDE HISTORIKOAREN TOKI ADMINISTRAZIOA

ARTZINIEGAKO UDALA

Behin betiko onespina ematea kaleko salmenta arautzen duen ordenantzaren aldaketari

Udal honek, 2020ko urriaren 8an egindako ohiko bilkuran, erabaki zuen hasierako onespina ematea Artziniegako udal mugartean kaleko salmenta arautzen duen ordenantzaren aldaketari.

Ez da inolako erreklamaziorik aurkeztu 2020ko azaroaren 11n 128. zenbakiko ALHAOn argitaratutako iragarkiaren bidez jendaurrean jarri ostean. Hortaz, behin betiko onetsita geratzen da, honako testu honekin:

HITZAURREA

Ohiko saltokiez kanpoko salmenta sendo errotuta dago egun Euskal Herriko herri kulturean. Arrazoiak ugariak dira, baina arrazoi horiek gainditu egin dute aspaldi arrazoi zena: kaleko salmenta dendako salmentaren egintza osagarri eta subsidiarioa izatea.

Kaleko salmentak gero eta garrantzi handiagoa duenez, beharrezkoa da zenbait neurri hartzea: alde batetik, jarduera horiek lehia aske eta leialean egiten direla ziurtatzeko eta, bestetik, kontsumitzaileen legezko eskubideak zaindu eta bermatzeko, bai eta horien osasuna eta segurtasuna babesteko eta eskaintzen diren ondasun eta zerbitzuen kalitatea ziurtatzeko ere.

Asmo horrekin prestatu da kaleko salmentaren prozedura eta baldintzak araupetu dituen ordenantza hau. Hori guztia indarrean dauden arauak betetzeko egin da.

ATARIKOTITULUA. APLIKAZIO EREMUA

I. KAPITULUA. XEDEA

1. artikulua. Ordenantza honen xedea Artziniegako udalerrian kaleko salmenta araupetzea da.

2. artikulua. Kontzeptua. Kaleko salmenta pertsona fisiko edo juridikoek, beti edo noizean behin, merkataritzako establezimenduetatik kanpo, saltoki edo eraikuntza desmuntagarrietan edota ibilgailuetan, egindako salmenta da. Kaleko salmentari ekiteko Udalaren baimena behar da; baimen hori besterenezina izango da eta urtebeteko iraupena izango du gehienez, baimean data zehatza adierazten ez bada.

II. KAPITULUA. SALMENTA MOTAK

3. artikulua. Ordenantza honen aplikazio eremuari lotutako kaleko salmenta motak honako hauek dira:

a) Aspalditik antolatu izan diren aldizkako merkatuak edota merkatu berriak, leku jakinetan jartzen direnak. Astean behin antolatu ahal izango dira gehienez.

b) Azokak, jaiak, herriko ospakizunak edo eskulagintza azokak direla eta noizean behin ezartzen diren merkatuak.

c) Herri bideetan, denda-kamioietan edo kalean ipinitako saltokietan egiten den salmenta, inguruabar eta baldintza jakinetan baimentzen dena.

4. artikulua. Leku jakinetan jartzen diren aldizkako azokak.

1. Kaleko salmentan ari direnak udalek ezarritako herri bideetan maiztasun finkoarekin bilduz eratzen diren azokak, tradizionalak edo berriak.

2. Artziniegako udalerrian, horrelako azoka da Artekale plazako arkupeetan kokatzen dena.

5. artikulua. Noizbehinkako azokak.

1. Herriko, estatuko edota autonomi elkarteko jaiak edo festak direla eta, antolatzen diren azokak dira, bai eta udaldian edota kirol, kultur edo jai giroko gertakariak direla eta antolatzen direnak ere. Jai horiek ospatzen diren aldian janari-edariak saltzea ere noizbehinkako azokatzat jotzen da.

2. Modalitate horretan sartzen dira honako hauek:

a) Artisau azokak. Artisau eran egin diren produktuak merkaturatzeko xedearekin sortutako azokak dira, eta produktu horiek egileek eurek saltzen dituzte. Azoka horiek ez dira ohikoak izaten eta horien kokapena, maiztasuna eta saltoki kopurua alde aurretik erabakiko dira, Alkatetzak edo Gobernu Batzordeak emango duen ebazpenaren bidez. Salmenta egiten duenak berak edo beste batzuek egindako eskulanak sal daitezke azoka horietan, hala nola larruzko gaiak, zeramikazkoak, margoak, eskulturak, otzarak, apaingarriak, etab. Debekatuta dago janariak saltzea.

b) Urteko egun zehatz batzuetan egiten diren salmenta tradizionalak, esaterako, jai erlijiosotan edo zaindariaren jaietan egiten direnak. Salmenta mota horretarako baimendutako salgaiak honakoak izango dira: jai tradizionalarekin lotutako gaiak, jaiekin lotutako motibo erlijiosoak edo tradizionalak, erroskillak, karameluak, gozokiak oro har, oroigarriak, etab.

Alkateak edo zinegotzi eskuordetuak (egongo balitz) baimenduko ditu, interesatuta dauden saltzaileek eskaera egin ondoren. Baimena aldi labur baterako emango da, eta aldi hori baimenean bertan zehaztu beharko da. Baimenean, kokaleku zehatza ere adieraziko da.

c) Berariazko azokak (kultura eta liburu azokak, Erdi Aroko azokak, etab.), edota merkataritza-zakoak, nekazaritza eta abere azokak. Dagokion baimenean, udalak zehaztuko ditu azoka egiteko baldintza zehatzak, azoka hori hobeto egin dadin.

d) Ohiz kanpoko salmentak, kirol ekitaldiak, ikuskizunak eta abar direla eta egiten direnak. Salmenta horietan, ekitaldi horiekin lotutako gaiak saltzen dira. Salmenta horiek alkateak edo zinegotzi eskuordetuak baimendu ahal izango ditu. Baimenean, salmenta egun zehatzak, salgaiak eta gainerako baldintza orokorrak adieraziko dira.

e) Urtaroko salmentak. Horiek izaera finkoa eta egonkorra daukate, baina urteko garai zehatz batera mugatzen dira, adibidez: txurro dendak, gaztainak, izozkiak, Gabonetako zuhaitzak, eta abar. Baimena alkateak edo zinegotzi eskuordetuak (egongo balitz) ebatziko du, udal zerbitzu teknikoek zehaztutako herriguneko tokietan; ezin izango dira elkartuta egon, azokak eratuz.

Horien kokapenak ezin izango du trabarik eragin establezimendu publikoetara sartzeko, eta 100 metroko erradioan ezin izango da horrelako gaien salmenta tokirik egon; horrez gain, ezin izango die trabarik eragin ibilgailuen trafikoari edota oinezkoen zirkulazioari.

6. artikulua. Denda-kamioiak.

1. Salmenta mota hau egiteko saltzaileak furgoneta edo kamioi moduko ibilgailuren bat erabiltzen du, beti ere garraioari eta baimendutako produktuen salmentari dagozkion arauen arabera egokitutakoa. Jarduera aldizkakoa edo noizbehinkakoa izango da, eta Udalaren baimenean agertzen den lekuan edo lekuetan egingo da.

2. Jan-edariaren salmentari dagokionez, ibilgailuari egin zaizkion egokitzapenak eta osagarriak ere agertuko dira, teknika eta osasun arloko araudi aplikagarriak betetzen dituen edo ez egiaztatzeko.

3. Baimena emateko 14. artikuluan eskatzen diren baldintzez gain, eskabide egileek honako agiriak erantsi beharko dizkiote eskabideari: ibilgailuaren zirkulazio baimena, ibilgailua erabiltzen duenaren gidabaimena eta dagokion IAT gaingiditu izana egiaztatzen duen agiria.

7. artikulua. Ezarpen finkoko eta izaera desmuntagarriko postuak.

1. Kaleko salmenta mota honetan honako hauek sartzen dira:

a) Karamelu (gozoki) eta fruitu idorren saltokiak.

b) Bisuteria eta eskulanen saltokiak.

c) Ekonomia edo gizarte arloko gauza edo argitalpen saltokiak.

2. Postu horiek ezin izango dute azoka edo merkatutxorik eratu, eta, beraz, alkatetzak edo zinegotzi eskuordetuak emandako baimenean kokaleku zehatza adieraziko da. Kokaleku hori dagoeneko badagoen eta jarduera bera egiten duen edozein merkataritza lokaletik 100 metroko distantziara egongo da gutxienez.

8. artikulua. Hauek ez dira kaleko salmentatzat hartuko.

1. Etxez etxeko salmenta.
2. Urrutiko salmenta.
3. Aldizkako salmenta.
4. Makina automatikoen bidezko salmenta.

Udalaz gaindiko esparruko legeek araututako salmenta modalitate horiek, beraz, dagokion organo eskudunaren baimena beharko dute, kasu bakoitzean.

9. artikulua. Ordenantza honetan aurreikusitako kasuez kanpoko kaleko salmenta debekatuta dago udalerrri honetan.

I. TITULUA. KALEKO SALMENTA ORO HAR

I. KAPITULUA. SALTZEKO BAIMENA DAUKATEN PRODUKTUAK

10. artikulua

1. Honako produktu hauek kaleko salmenta bidez saltzeko baimena ematen da: ehun gaiak, oinetakoak, garbiketa eta drogeria produktuak, loza eta portzelana, landareak eta loreak, imitaziozko bitxiak, artisautzako produktuak, argitalpenak eta baldintza zehatzetan baimentzen diren guztiak.

2. Halaber, elikagaien kaleko salmenta ere baimendu ahal izango da, indarreko araudiak horien kaleko salmenta debekatzen edo mugatzen ez badu, edota, agintari eskudunen iritziz, osasun arriskurik eragiten ez badu.

II. KAPITULUA. SALTOKIAK

11. artikulua. Saltokiak

1. Saltokien kopurua, horietako bakoitzean salduko diren salgaien adierazgarri eta guzti, saltokien neurriak eta gainerako baldintzak baimen bakoitzean zehazten ditu organo eskudunak.

2. Baimenen titularrek zehazten diren baldintzetara egokitu beharko dituzte euren instalazioak, beti ere kontuan izanik instalazio desmuntagarri eta garraiagarriak izan beharko dutela, eta segurtasun, osasungarritasun eta kaleko egokitasun baldintzak bete beharko dituztela.

II. TITULUA. KALEKO SALMENTA

I. KAPITULUA. KALEKO SALMENTAN JARDUTEKO BETEKIZUNAK

12. artikulua. Artziniegako udalerrian kaleko salmentan jarduteko baldintza hauek bete behar dira:

1. Jarduera Ekonomikoen gaineko Zergaren epigrafe egokian alta emanda egon behar da eta zerga hori ordainduta eduki behar da.

2. Gizarte Segurantzaren araubide egokian alta emanda egon behar da eta kuota guztiak ordainduta eduki behar dira. Pertsona juridikoen kasuan, Gizarte Segurantzaren enpresa gisa inskribatuta egon behar da, langileak afiliatuta egon behar dira eta kuota guztiak ordainduta eduki behar dira.

3. Merkataritza produktuei eta instalazioei buruzko berariazko arauak ezartzen dituzten higie-ne eta osasun baldintzak eta bestelako guztiak bete behar dira.

4. Udalaren baimena eduki behar da.

5. Artziniegako Udalak zehaztutako tasen eta prezio publikoen ordainketan egunean egon behar da.

6. Atzerritarren kasuan, egoitza baimena eta lan baimena lortu direla frogatzen duten agiriak eduki behar dira, edota egoitza izateko eta lan egiteko behar direnak.

II. KAPITULUA. UDALAREN BAIMENAK

13. artikulua. Baimena eskuratzeko, interesatuak eskatu egin behar dio Udaleko Alkatetzari; eskaeran hauek adierazi behar dira:

1. Eskatzailearen izen-deiturak, edo sozietatearen izena.

2. NAN edo AIZ zenbakia, eta IFK pertsona juridikoen kasuan.

3. Helbidea.

4. Instalazioen deskripzioa.

5. Salgaiak.

6. Pertsona juridikoen baimena erabiliko duen langilearen edo bazkidearen izena, helbidea eta NANA adierazi behar dituzte.

7. Aldizkakotasuna.

8. Zenbat metro hartuko dituen instalazioak.

14. artikulua. Aurreko artikuluan aipatutako eskabideaz gainera agiri hauek ere aurkeztu behar dira:

a) NAN, AIZ edo IFKren fotokopia, kasuan dagokiona, eta norberaren kontura lan egiteko baimena eta atzerritarren egoitza baimena, edo bertan bizitzeko eta lan egiteko gaitzen duen bestelako dokumentazioa.

b) Titularraren Gizarte Segurantzako kotizazioen alta eta azkeneko ordainagiria.

c) Janari-edariei dagokienez, janari erabiltzailearen txartela, arauen arabera beharrezkoa den produktuentzat.

d) Janari-edariei dagokienez, enpresaren eraketa eskritura, Merkataritza Erregistroan behar bezala erregistratuta, eta udaleko idazkariak askietsitako ahalordea.

e) Jarduera honetarako inor enplegatutik edukiz gero, lan harremana frogatzen duten agiriak.

f) Bere familia unitatekoak diren eta titularraren izenean baimenduta dauden pertsonen nortasuna egiaztatze-ko agiriak.

III. KAPITULUA. Prozedura

15. artikulua. Eskabidea eta behar diren agiriak jaso ondoren, Udalaren organo eskudunak haiek eta gainerako txostenak aztertuko ditu eta baimena eman edo ukatuko duen erabakiko du.

16. artikulua. Edonola ere, janari-edariak kaleetan saltzeko baimena emateko, agintaritza eskudunaren aldeko txostena behar da.

17. artikulua. Udalaren baimenean honako hauek agerraraziko dira berariaz:

– Baimenaren titularraren eta haren izenean jarduerari ekiteko baimenduta dagoenaren edo daudenen identifikazioa.

– Saltokiak kokapen eta aldizkakotasun finkoko azokan duen zenbakia edo, bestela, jarduera zein tokitan egin daitekeen.

– Baimendutako produktuak.

- Zer egunetan eta ordutan jardungo den saltzen.
- Okupatu beharreko azalera.
- Instalazioaren ezaugarriak.

18. artikulua. Saltzaile bakoitzari, titularrak zein baimenduak izan, nortasun txartela emango zaie, eta, txartel horretan, hauek adieraziko dira:

Baimenaren balio denbora.

Baimendutako produktuak.

Okupatu beharreko azalera baimendua.

Saltoki zenbakia.

Azoka egunetan, saltokietan ikusteko moduko lekuan jarri beharko da identifikazio hori.

19. artikulua. Baimenak nahierarakoak izango dira eta, beraz, Udalak bidezko iruditzen zaionean ezeztatu ahal izango ditu, baimena emateko arrazoiak desagertu direla uste badu eta ordenantza hau eta arau ezargarriak betetzen ez badira. Baimena ezeztatzeak ez du kalte-ordaina hartzeko eskubiderik sortuko.

Ezeztatzeko espedientea ebazpen arrazoitu bidez egingo da, eta interesdunak entzunaldirako daukan eskubidearen printzipioa kontuan hartuko du.

Saltzaile berari, epealdi baten barruan, ezin zaio eman kaleko salmentarako baimen bat baino gehiago.

20. artikulua. Baimenen adjudikazioan, lehentasuna izango dute bizilekua honako hauetan duten merkatariek:

1. Artziniegako hiribildua.
2. Aiarako Kuadrilla.

Halaber, merkatuko saltokiak salgaien arabera adjudikatuko dira, produktuen aukera handia ziurtatzeko.

21. artikulua. Guztiz debekatuta dago baimenen trukea, transakzioa, lagatzea edo eskualdatzea egitea, honelako formularen baten bidez egiten ez badira:

1. Mortis causa transmisioetan, titularra hil egin delako, saltokiaren titularraren testamentuak xedatzen duena beteko da, eta, hala badagokio, oinordekoen adierazpen judizialak xedatutakoa; horiek honako hauen artean izan behar dira: hildakoaren aurreko edo ondorengo legitimoak, naturalak edo adopziozkoak, ezkontideak edo anai-arrebak.

Oinordekoek egoera hori udalean egiaztatu beharko dute, kausatzailea hil eta hurrengo sei hilabeteen barruan; epe hori beste sei hilabetez luzatu ahal izango da, interesdunek eskatuta.

Epe hori edo, hala badagokio, luzapena igaro ostean, saltokiaren testamentu edo «ab-intestato» oinordekoen izaera egiaztatu ez badute, eskubide hori galdu egingo dute, eta udalak saltoki hori erabili ahal izango du, hutsik geratu dela adierazita.

2. Urtean zehar saltoki bat hutsik geratzen denean, barruko lehiaketa bidez adjudikatuko da, prozedura honekin:

a) Zinegotzi eskuordetuak saltoki hori hutsik dagoela adieraziko du.

b) Kaleko salmenta egiteko baimenen titular guztiei (edozein motatakoak izanda ere) hutsik geratu den saltoki horren berri emango zaie (kokalekua, ezaugarriak, eta abar), kokalekua aldatu nahi duten titularrek kokalekua aldatzeko eskaera aurkez dezaten udalean, hamar egun baino lehen.

c) Alkateak edo zinegotziak, aurkeztutako eskaerak ikusita, kokaleku aldaketa ebatziko du, lizentziaren antzinatasunaren irizpidea oinarri hartuta.

d) Interesdunei horren berri emango zaie.

3. Barruko lehiaketa bidez lanpostu bat betetzen ez denean, lehiaketa ireki bidez adjudikatuko da eman gabe dauden eskaeren artean, eskaeraren antzinatasunaren irizpidea oinarri hartuta.

Eman gabeko eskaerarik ez badago, alkateak bandoa egingo du, eta, bando horretan, hutsik dauden saltokiak eta horien ezaugarriak adieraziko dira, bai eta eskaerak aurkezteko epea ere; kasu honetan, nahierara adjudikatuko dira.

IV. KAPITULUA. BAIMENAREN EZAUGARRIAK

22. artikulua

1. Udalaren baimena ezin izango da eskualdatu. Hala ere, baimen batez baimendutako pertsona guztiak baliatu ahal izango dira.

2. Pertsona naturalen kasuan, baimenaren titularraren famili unitateko kideek eta hark Gizarte Segurantzaren alta emanda dituen langileek erabili ahal izango dute.

3. Pertsona juridikoen kasuan, artikulua honen lehen lerroaldearen ondorioetarako, Gizarte Segurantzaren alta emanda dauden enpresako kide eta langileak balia daitezke baimenaz.

23. artikulua

1. Oro har, baimenak urtebeteko indarraldia izango du gehienez, eta eman den urte bakoitzeko abenduaren 31n amaituko da.

2. Noizean behingo azoken eta denda-kamioien kasuan, horien baimenetan ezarriko dira salmenta modalitate hori egiteko data zehatzak.

3. Asteroko azokan, baimenak automatikoki berrituzat joko dira urte natural bakoitzeko, udalak berariaz ezeztatzen ez baditu edo interesdunak uko egiten ez badio.

V. KAPITULUA. BAIMENA IRAUNGITZEA

24. artikulua. Hauexek dira salmenta baimena iraungitzeko arrazoiak:

a) Baimenaren iraunaldia amaitzea.

b) Titularrak baimenari uko egitea.

c) Titularra hiltzea edo enpresa desegitea.

d) Saltokia eskuz aldatzea.

e) Baimena galtzea dakarren zehapena ezartzea.

f) Behar diren prezio publikoak edo tasak ez ordaintzea.

g) Baimena lortzeko eskatzen diren baldintza guztiak edo horietakoren bat galtzea.

h) Udalak aurretik jakin gabe, hiru astean jarraian azokara ez joatea.

i) Udalak baimena ezeztatzea, 19. artikuluan ezarrita dagoen bezala.

j) Kokapen eta aldizkakotasun finkoko azoka kentzea, edo udalerrian kaleko salmentan aritzea debekatzea.

Iraungipena d), e), f), g) h) edo i) arrazoiarengatik gertatzen bada, Udalaren organo eskudunak berariazko erabakia hartu behar du interesatua entzun ondoren; 15 eguneko epea izango du horretarako.

III. TITULUA. KALEKO SALTZAILEEN ESKUBIDEAK ETA BETEBEHARRAK**25. artikulua.** Eskubideak.

1. Artziniegako udalerrian kaleko salmentan jarduteko udal baimena dutenek eskubide hauek izango dituzte:

- a) Baimendutako saltokiak erabili ahal izango dute.
- b) Udalak baimendutako salmenta jarduera jendaurrean eta modu baketsuan egin ahal izango dute, baimenean zehaztutako orduetan eta bertan ezarritako baldintzak betez.
- c) Baimendutako jarduera egiteko udal agintariei eta udal langileei babesteko eskatu ahal izango diete.
- d) Saltoki baimendua jarri ohi den azoka kentzen bada, udal baimenaren titularrak haren ordeztu behar den azokan beste saltoki bat lortzeko lehentasuna izango du; hala gertatzen bada, iraungitako baimenaren baldintzek bere hartan jarraituko dute, ahal dela.
- e) Baimena duen azokaren funtzionamendua hobetzeko erreklamazioak eta iradokizunak aurkeztu ahal dituzte.
- f) Baimenaren titularrari identifikazio txartela emango dio udalak: txartel horren edukia 18. artikulua zehaztu da.
- g) Titularrak berak jardun dezake saltzen, edo baimendutako beste batzuk jar ditzake saltzaile.
- h) Saltokia non kokatuko den jakin dezakete. Nolanahi ere, gainazal asfaltatuan, zolatuan edo zementuz estalian egon behar da.
- i) Udalak ezin du aldatu baimendutako salmenta eguna, jai edo ospakizun berezi batekin bat etorri ezean. Hala gertatuz gero, udalak nahikoa aurrerapenarekin jakinarazi behar dio.

26. artikulua. Betebeharrak.

1. Kaleko salmentan jarduteko udal baimen dutenek hauek bete behar dituzte:

- a) Salmenta saltoki edo instalazio desmontagarrietan egin behar dute, edota 11. artikuluan zehaztutako baldintzak betetzen dituzten denda-kamioietan, hau da, garraiatzen errazak eta jarduera horretarako egokiak direnetan.
- b) Saltokien titularrek erraz ikusteko moduko tokian jarri behar dute udal baimena. Hala egin ezean, edo baimenean ezarrita ez dagoen zerbait saltzen badute, saltokia kautelaz itxiko da eta, gainera, baliteke zehapen espedientea hastea ere.
- c) Saltzaileek, merkataritza jarduera gauzatzekoan, indarrean dauden unean uneko arauetan merkataritza, merkaturako diziplinaz eta kontsumitzaile eta erabiltzaileen babesaz xedatutakoa bete behar dute.
- d) Saltokietan eskaintzen diren produktuen prezioak argiro adierazten dituzten txartelak eta etiketak jarri behar dituzte. Salgai dauden produktuen prezioa argi eta garbi azaldu behar da, betiere arlo honetako indarreko legeria betetzen dela. Multzoka saltzen diren produktuetan edo saltzeko prezioa janari-edariaren kopuru edo bolumenaren arabera ezartzen denean, neurri unitate bakoitzari dagokion prezioa adieraziko da. Halaber, salgai guztiak agerian eduki behar dituzte, eta ezin dute zati bat bereizi, hautatu ez ezkatatu.
- e) Saltokien titularrek bertan egin behar dute azokaren funtzionamendu orduetan; behar bezala baimendutako pertsonak ere egon daitezke berarekin, 25. artikuluko g) idatz zatian ezarri den bezala.
- f) Behar bezalako egiaztagiria dituzten udal langile edo agintariek eskatuta, eskatzen dizkieten agiria erakutsi behar dizkiete.

g) Azoka aldizka egingo da igandeetan, 4. artikuluan jasotako tokietan; 9:00etatik 14:30era egingo da, eta zamalanak ordutegi horretatik kanpo egin behar dira. Salmenta ordutan debekatuta dago azoka barruan ibilgailuekin ibiltzea eta aparkatzea. Instalazioak eta salgaiak muntatzeko eta desmuntatzeko, saltzaileek ordubeteko denbora izango dute funtzionatzeko ordutegiaren aurretik eta ostean. Noizean behingo azoken, artisautza azoken eta abarren ordutegia Alkatetzak ematen duen baimenean ezarriko da.

h) Salmenta egingo duten pertsonen ibilgailuak ezin izango dira azokaren esparruaren barruan aparkatuta egon.

Kamioi-dendak debeku horretatik kanpo daude. Ibilgailuak salgaien zamalanak egiteko behar den denboran soilik egon ahal izango dira aparkatuta horretarako gaitutako eremuetan.

i) Salmentarako udal baimena duten pertsonak salmentako esparruak eta tokiak errespetatu behar dituzte; inolaz ere ezin dira aritu saltzen merkataritzako edo industriako toki publiko edo pribatuetarako sarreretan. Horrez gainera, ezin dute saltokia jarri erakusleihatuan edo erakusmahaietan zer dagoen, trafiko seinalea edo bestelako adierazgarriren bat ikustea eragozten duen tokian. Orobat, ezin dira jarri kale gurutzaguneetan, ez oinezkoentzako pasaguneetan, ez etxebizitza, denda edo ibilgailuen sarreretan.

j) Kaleko salmentan jarduten dutenek kontsumitzaileen erreklamazioak, horrelakorik badago, zein helbidetan jasoko diren adierazi behar dute erraz ikusteko moduan jarritako txartelaren bidez. Helbide hori, betiere, salmentaren ordainagiri edo egiaztatagirian ere agertu behar da.

k) Salgai pisagarri eta neurgarriak eskaintzen dituzten saltokiek arauzko baskula eta metroak eduki behar dituzte.

l) Salgai guztiak behar bezala babesturik erakutsi behar dira jendaurrean, eta lurretik 60 cm-ra gutxienez, bolumenagatik edo pisuagatik arazoak sortzen dituztenak izan ezik.

m) Janari-edariak ontzi edo edukiontzi homologatuetan erakutsi behar dira, ahal dela, bakoitza berarentzat egokia den batean.

n) Salmentan jarduten dutenek salerosketaren ordainagiri edo egiaztatagiria eman behar diete eskatzen duten erosleei; bertan datu hauek adierazi behar dira gutxienez:

- Datu pertsonalak edo, hala badagokio, sozietatearen izena.
- NAN edo AIZ, edo IFK.
- Kontsumitzaileen erreklamazioak non aztertuko diren.
- Produktuak, kantitatea eta prezioa.
- Data eta sinadura.

o) Ezarritako saltokitik kanpo ezin da ezer saldu, eta geltokien arteko pasabideetan ezingo da zirkulazioa oztopatu.

p) Merkataritza jardueraren ondorioz sortzen diren zaborrak, ontziak, bilgarriak eta gainerako hondakinak, horretarako ezarritako edukiontzietan gordeko dira. Edukiontzi horien kokalekua ezin izango da aldatu kaleko salmentako jardueraren eraginez.

q) Saltokiko instalazioak ondo artaturik mantendu beharko dituzte.

r) Saltokien titularrek zoruan, zuhaitzetan eta kaleko argietan eta abarretan sortzen dituzten kalteak ordaindu beharko dituzte.

s) Erantzukizun zibileko aseguru-poliza izenpetu beharko dute, jarduera egiten den instalazioetan besteei egindako kalteak estaltzeko.

t) Debeekatuta dago salgaien eskaintzak aldarrikatzeko ozengailuak erabiltzea.

u) Udal baimenen titularrek azokaren funtzionamendu onerako udaleko agintariak eta funtzionarioek ordenantza hau eta gai honi buruzko indarreko legeria ezarri ematen dizkieten agindu guztiak bete behar dituzte.

v) Kaleko salmentarako indarrean dagoen legeriak ezartzen dituen betebeharrak, edota etorkizunean ezartzen dituenak, ezargarri izango zaizkie udal-baimenen titularrei, eta legeria hori zaintzeko eta betetzeko ardura herri administrazio eskudunetako organo egokiek izango dute.

2. Aldizkako azoketan ordezkari batzordea eratu ahal izango da, saltokien titularren artean demokratikoki hautaturik. Batzorde horrek gutxienez hiru kide eta gehienez bost izango ditu, eta horren osan, ahal den neurrian, merkaturatzen diren salgai guztiak izango dute ordezkaritza. Azokako ordezkari batzordea azokaren ordezkaria izango da udalaren aurrean eta bertako arazoak konpontzen saiatuko da.

IV. TITULUA. ZEHAPEN ARAUBIDEA

I. KAPITULUA. ZAINZA ETA IKUSKAPENA

27. artikulua

1. Udalak, lehenik, ordenantza honetan ezarritako betebeharrak eta kaleko salmentaren alorrean unean-unean indarrean dauden higiene, osasun eta segurtasuneko arauak jagon eta betearaziko ditu; nolahi ere, beste herri administrazioek euren eskumenak baliarazi ahal izango dituzte.

2. Udalak, bere zaintza eginkizunak egitean, produktu, jarduera eta instalazioak ikuskatu ahal izango ditu, bai eta saltzaileei horiei buruzko behar adina informazio eskatu ere.

3. Espedienteari hasiera emateko agintzen duen agintaritzak salgai dauden produktuak badaezpada bahitzea erabaki dezake, baldin eta produktu horiek kontsumitzaile edo erabiltzaileen osasuna edo segurtasuna arriskuan jartzen badute, edo kalitatean edo kantitatean iruzurrezkoak, faltsututakoak, bereizgarririk gabeak edo merkataritzarako ezarri diren gutxienerako baldintzak betetzen ez dituztenak badira.

II. KAPITULUA. ZEHAPEN PROZEDURA

28. artikulua. Merkataritzako Jarduerari buruzko maiatzaren 27ko 7/1994 Legearen arabera Eusko Jaurlaritzako organoek zehapenak ezartzeko duten eskumenari kalte egin gabe, Udalak ezarriko dizkie zehapenak ordenantza honetako xedapenak hausten dituztenei.

29. artikulua. Ordenantza honetan ezarritako arau hausteak egiten dituztenei zehapenak ezartzeko prozeduran ematen diren ebazpenen aurka errekurtsorik aurkezten bada, administrazio prozedurari buruzko indarreko arautegian ezarritakoa hartuko da aintzat.

30. artikulua. Kaleko salmentarako udal baimena dutenak ordenantza honetan xedatutakoaren aurka euren, euren familiakoek edo saltokian lan egiten duten soldatapeko langileek egiten dituzten arau hausten erantzule izango dira.

III. KAPITULUA. HUTSEGITEAK ETA ZEHAPENAK

31. artikulua. Arau hausteak.

1. Arau hausteak arinak, larriak eta oso larriak izan daitezke.

2. Arau hauste arintzat hartuko dira ordenantza honetako xedapenak ez betetzea, zuzeneko diru ondorioz ez dutenean eta kontsumitzaileei kalterik sortzen ez dietenean, larri edo oso larritzat hartzen ez badira.

3. Arau hauste larriak izango dira:

a) Arau hauste arinak behin eta berriro egitea.

b) Zuzeneko diru ondorioak dituztenak edo kontsumitzaileei kalte egiten dietenak.

c) Osasunaren inguruko arau hauste larriekin batera gertatzen direnak.

d) Nahitaezko udal baimenik gabe kaleko salmentan aritzea.

e) Agintariek eta haien kudeatzaileek ordenantza honetan zaintza lanak gauzatzeko eskatzen dituzten datuak emateari edo eskatzen duten informazioa eskuratzen laguntzeari uko edo aurka egitea, bai eta informazio desegokia, osoa ez dena edo faltsua ematea ere, ukatzea edo trabak jartzea behin eta berriz gertatzen denean edo agintaritzekin edo haien kudeatzaileekin bortxa, mehatxu edo beste edozein presiobide erabiltzen denean.

f) Arauak hausten dituzten jarduerak eteteko eskakizuna ez betetzea.

4. Arau hauste oso larriak izango dira:

a) Arau hauste larriak behin eta berriro egitea.

b) Osasunaren inguruko arau hausteekin batera gertatzen direnak edo gizakien segurtasuna arrisku larrian jartzen dutenak.

c) Kontsumitzaileei kalte larriak sortzen dizkietenak.

d) Gehiegiko mozkinak ematen dituzten arau hauste larriak, edo ekonomi antolaketa larriki aldatzen dutenak.

32. artikulua. Zehapenak.

Kontsumitzaile eta erabiltzaileen babeserako legeria orokorrean aurreikusitakoa ezartzearen kalterik gabe, arau hausteak Merkataritzako Jarduerari buruzko maiatzaren 27ko 7/1994 Legean ezarritakoaren arabera zehatuko dira. Arau hauste arinen eta larrien ziozko zehapenak Udalak ezarriko ditu, honako taula honen arabera:

1. Arau hauste arinetan zehapen hauek ezarriko dira:

a) Ohartarazpena.

b) Eta/edo 30 eurotik 150 eurora bitarteko isuna.

2. Arau hauste larrietan zehapen hauek ezarriko dira:

a) 150 eurotik 9.000 eurora bitarteko isuna.

b) Eta/edo saltzeko baimena galtzea.

33. artikulua. Zehapen gehigarria.

Espedientea ebazteko ardura duen organoak erabaki ahal izango du, zehapen gehigarri gisa, konfiskatzea salgai faltsifikatuak, iruzurrezkoak, identifikatu gabeak edo betetzen ez dituztenak salgai jartzeko gutxieneko baldintzak.

34. artikulua. Zehapenen mailaketa.

Zehapenen gradua ezartzeko, kontuan izango dira saldutako produktuen izaera, egindako kalteak, araua hautsi duenaren asmoa edo behin eta berriro egitea eta arau haustearen gizarte eragina.

35. artikulua. Preskripzioa.

1. Ordenantza honetan adierazitako arau hauste arinak eta haiei ezarritako zehapenak sei hilabeteren buruan preskribatuko dira, larriak urtebeteren buruan eta oso larriak bi urteren buruan.

2. Arau haustea egiten den egunean hasiko da arau hausteen preskripziorako epea. Preskribatzea eten egingo du, interesduna jakinaren gainean dagoela, zehapen prozedura hasteak. Dena den, erantzuleari egotzi ezin zaion arrazoiren bategatik zehazpen espedientea hilabete baino luzeagoz geldituta badago, berriro jarriko da abian preskribatze epea.

3. Zehatzeko ebazpena irmo bihurtu den egunaren biharamunetik aurrera hasiko da kontatzen zehapenaren preskripzio epea. Interesatua jakinaren gainean egonik, betearazpen prozedura hasteak preskripzioa etengo du. Zehapena ezarri zaionari egotzi ezin zaion arrazoiren batengatik prozedura hori hilabete baino gehiago geldirik badago, preskripzio epeak aurrera egingo du berriz.

36. artikulua. Prozedura.

1. Oro har, Herri Administrazioen Araubide Juridikoaren eta Administrazio Prozedura Erki-dearen 30/1992 Legea aplikatuko da.

2. Alkatetzari dagokio zehapenak ezartzea araudi honen edo lege xedapenen aurka eginiko arau hauste arinengatik edo larriengatik, bai eta arau hauste oso larrien ondoriozko espedienteak hastea eta bideratzea ere.

Arau hauste arinaren ondoriozko zehapenek ez dute espedienterik behar. Arau hauste larriaren ondoriozko zehapenek espedientea behar dute, eta espediente hori kargu orria izango da; kargu orri horren berri emango zaio espedientatuari, egoki irizten badio 10 eguneko epean alegazioak egin ditzan, edota froga egokiak aurkez ditzan. Ostean, alkatetzak ebaztuko du, ebazpen horren kontra jar daitezkeen gainerako errekurtsoak alde batera utzi gabe.

3. Eusko Jaurlaritzari dagokio arau hauste oso larriak zehatzea, merkataritza arloan dituen organo eskudunen bitartez.

XEDAPEN IRAGANKORRAK

Lehenengoa: Ordenantza hau indarrean jarri aurretik emandako kaleko salmentarako baimenen titularrek jarduera hori gauzatzen jarraitu ahal izango dute ordenantza honen babesean, harik eta baimen horien indarraldia bukatu arte.

Bigarrena: Ordenantza hau indarrean jartzen denean, aurretik tramitatzen hasi eta tramitatzen ari diren kaleko salmentarako baimena emateko espedienteen ebazpenak ordenantza honetan xedatuta dagoenari lotuko zaizkio. Hori dela eta, interesatuei eskatuko zaie beharrezkoak diren agiri gehigarriak aurkez ditzatela.

Hirugarrena. Osorik argitaratuko dira ALHAOn, Toki Araubidearen Oinarriak arautzen dituen 7/1985 Legearen 70.2 artikuluan ezarritakoaren arabera, indarrean sartzeko.

XEDAPEN INDARGABETZAILEA

Ordenantza hau indarrean jarritakoan indargabeturik geratuko dira beraren aurka dauden eta berarekin bat ez datozen maila bereko edo beherago mailako xedapen guztiak.

AZKEN XEDAPENA

Ordenantza hau Toki Araubidearen Oinarriak arautu dituen apirilaren 2ko 7/1985 Legeko 70.2 artikuluan xedatutakoaren arabera jarriko da indarrean.

PREZIOAK:

1. Azokako saltokiak:

- 0 - 2 m² edo lineal bitartean 2,16 euro dira eguneko.
- 2tik gora eta 6 m² edo linealera bitartean 4,33 euro dira eguneko.
- 6tik gora eta 8 m² edo linealera bitartean 6,49 euro dira eguneko.
- 8tik gora eta 10 m² edo linealera bitartean 7,35 euro dira eguneko.
- 10etik gora eta 12 m² edo linealera bitartean 8,4 euro dira eguneko.
- 12 m² edo linealetik aurrera 8,65 euro dira eguneko, gehi 1,08 euro metro gehigarri bakoitzeko.

Hileko eskabideak azoka egunen arabera zenbatuko dira. Urteko eskabideetan, 53 egun zenbatuko dira.

I. ERANSKINA

“LURREKO MERKATUA”REN ARAUTEGIA

Arautzen da Artziniegako hileroko merkatuan tokiko nekazaritza eta abeltzaintza produktuak, artisautzako edo tradiziozko eran eginak, saltzeko jarduera. Produktu guztiak saltzaileak berak landuak, ekoitziak edo eraldatuak izan beharko dira.

1. “Lurreko Merkatura” egingo den lekua, egunak eta ordutegia.

Merkatua Garai Plazan edo, eguraldi txarra izanez gero, Toñin Luengas pilotalekuan egingo da, hilabete bakoitzeko laugarren igandean, goizean. Udalak eskubidea gordetzen du merkatu eguna aldatzeko eta hura bertan behera uzteko ere, interes publikoak hala gomendatzen baldin badu. Hala eginez gero, titularrek ez dute izango inolako kalte ordainik jasotzeko eskubiderik.

Merkatuaren ordutegia 10:30etik 14:00etara izango da.

Postuak goizeko 9:30etik 10:30era bitartean kokatuko dira. Hori izango da salgaiak eta postua muntatzeko materialak deskargatzeko garaia.

Salmenta 10:30etik 14:00etara bitartean egingo da.

Postuak 14:00etatik 14:30era bitartean jaso beharko dira.

2. Postuak eta produktuak.

Udalak bi tamaina desberdineko oholak (1,5x1 y 2,5x0,8) eskainiko ditu, baita astoak eta aulkiak ere, merkatuan erabiltzeko. Saltzaileak beren mahaiak erabili nahi izanez gero, horien neurriek bat etorri beharko dute udalak eskainitakoekin. Postuak muntatzea eta desmuntatzea saltzaileen ardura izango da eta beraiek momentu orotan ziurtatu beharko dute merkaturako atondutako elementuak behar den funtzionaltasun egoeran daudela.

Ekoizleak postuen artean behar den distantzia egoteko arduratu beharko dira, eta sortutako hondakinak dagozkien edukiontzietan utzi beharko dituzte.

Titular bakoitzeko mahai bat edukitzeko eskubidea izango du ekoizleak.

Merkatuan tokiko nekazaritza eta abeltzaintza produktuak bakarrik sal daitezke, artisautzako edo tradiziozko eran eginak. Produktu guztiak saltzaileak berak landuak, ekoitziak edo eraldatuak izan beharko dira. Salbuespen moduan, udalak eta ekoizleek gonbidapen puntualak egin ahal izango dizkiete merkatuan ez dauden produktuak dituzten beste ekoizle batzuei, merkatuak dinamizatzeko.

Ekoizleek edo biltzaileek azken kontsumitzaileentzako zuzeneko hornikuntza bidez komertzializatutako perretxiko espezieei dagokienez, derrigorrezkoa da kartel baten bidez haien generoa eta espeziea azaltzea, perretxikoak identifikatzeaz arduratu den pertsonaren izena ere adieraziz. Udalak ez du izango inolako erantzukizunik haien identifikazioan okerrik izanez gero. Perretxiko espezie ontziratuen kasuan, haiek behar bezala identifikatuta egon beharko dira eta dagokien osasun erregistroa eduki beharko dute.

Debekatuta dago sendabelarrak eta horiekin prestatutako produktuen salmenta. Usain, sukaldaritza, ongailu eta apaindura landareak bakarrik saldu ahal izango dira, bai eta ezaugarri kosmetikoak dituzten prestakinak ere. Horiek dagokien osasun araudia bete beharko dute.

Debekaturik dago salgaiak nahiz hondakinak postutik kanpoan ipintzea eta edozein motatako elikagaiak lurrean bertan uztea. Halaber, debekaturik dago jendeari pasaera eragoztekoa. Salgai guztiak behar bezala babesturik erakutsi beharko dira jendaurrean, eta lurretik 60 cm-ra, bolumenagatik edo pisuagatik arazoak sortzen dituztenak izan ezik.

Udalak erabakiko du postuen kokalekua.

Udalak erabaki ahal izango du postuen banaketa aldatzea, baldin eta merkatu osoarentzako onuragarritzat jotzen badu.

Udalak merkatua zabalagotu ahal izango du, gehienez bi postu gehigarri instalatzeko baimena emanaz edozein dinamizazio jarduera egiteko edo ekoizleei gonbidapena eginez, salbuespen moduan.

Salbuespen moduan, elikagaiak eraldatzen dituen Artziniegako industriei udalerraren adierazgarri diren produktuak saltzea baimentzen zaie.

3. Dokumentazioa.

Ordenantzan eskatutakoaz gainera:

Noizean behin jarduteko baimenduta dauden edo titularraren baimena daukaten pertsonen NANaren fotokopia.

Gizarte Segurantzako altaren froga-agiria eta kotizazioen azkeneko ordainagiria.

Pertsona juridikoen kasuan, enpresaren eratze eskritura, dagokion merkataritza erregistroan behar den bezala inskribatua. Halaber, jarduteko daukan ordezkari ere egiaztatu beharko da, zuzenbidean baliozkoa den edozein bidetatik.

Higiene eta osasun betebeharrak betetzen direla egiaztatzen duen agiria eta, hala behar duten elikadura produktuen kasuan, langileek elikagaiak manipulatzeko prestakuntza hartu dutela egiaztatzen duen ziurtagiria.

Nekazaritza Ustiategiaren Txartela.

Gizarte Segurantzaren nekazaritza araubidearen fotokopia, kotizatzen baldin badute.

Salgai jarritako produktuen zerrenda, beharrezko osasun erregistroarekin, hala badagokie.

Zein aldirako eskatzen den baimena, hasiera eguna eta hila adierazita, baita bukaera eguna ere.

Eta, hala dagokionean:

Ekoizpen ekologikoaren edo nekazaritza ekologikora bihurtzearen ziurtagiri ofiziala.

Jatorri deituraren ziurtagiria, Kontseilu Arautzaileak jaulkia.

Beste kalitate ziurtagiri batzuk (Eusko Label, ekoizpen integratua...).

4. Adjudikazio irizpideak.

Baldintza guztiak betetzen dituzten eskatzaile guztiek salmentarako eskubidea izango dute merkatuan posturik dagoen bitartean.

Salmentarako lizentziak adjudikatzean, ondoren adierazten diren irizpideen arabera lortutako puntuetan oinarritutako lehentasun hurrenkera bati jarraituko zaio:

Ekoizpen edo eraldatze postuaren eta merkatuaren artean dagoen distantzia (gehienez 25 puntu) Jasangarritasun irizpideen barruan, kontuan hartzen dira 0 kilometroko produktuak (gehienez 100 km), karbono aztarna ahalik eta gehien murrizteko helburuaz.	
25 puntu	Produkturik gehienak Artziniegako udal barrutian ekoiztiak edo eraldatuak izatea
15 puntu	Produkturik gehienak Aiarako eskualdean ekoiztiak edo eraldatuak izatea
10 puntu	Produkturik gehienak ondoko eskualdeetan ekoiztiak edo eraldatuak izatea
5 puntu	Produkturik gehienak EAEko beste eskualde batzuetan ekoiztiak edo eraldatuak izatea

Ekoizpen eta eraldaketa eredua (gehienez ere 20 puntu) Jasangarritasun irizpideen barruan, kontuan hartzen da ekoizpen eta eraldaketa eredua, ingurumena hobeki errespetatzen dutenak balioztatuz.	
10 puntu	Ziurtagiri ekologikoa daukaten edo ekologiko bihurtzen ari diren ustiatagia edo produktu eraldatuak
5 puntu	Beste kalitate ziurtagiri batekin (Eusko Label, ekoizpen integratua, artisautzakoa) bermatutako produktuak edo dagokien kontseilu arautzaileak emandako jatorri deitura daukatenak.
5 puntu	Eraldatutako produktuen elaborazioen erabilitako lehengai gehiena Aiarako eskualdetik dator (Oharra: jatorriko irizpidean adierazi da lehengaiaren %100 eskualdetik etorria, baina hori ia-ia ezinezkoa da produkturik gehienetan)

Irizpide sozioekonomikoak: genero ikuspuntua eta gazteen enpleguaren sustapena (gehienez ere 20 puntu) Irizpide honekin, ekintzailatza proiektu berriak eta instalazio berriak babestu nahi dira.	
20 puntu	Emakume ekoizle gaztea (<40 urte). Enpresa baten kasuan, enplegatutako pertsonen % 50 emakume gazteak dira
10 puntu	Emakume ekoizlea (>40 urte). Enpresa baten kasuan, enplegatutako pertsonen % 50 emakumeak dira
5 puntu	Ekoizle gaztea (<40 urte). Enpresa bat baldin bada, % 50 gazteak

Gehienez ere produktu beraren 2 postu ezarriko dira merkatu bakoitzean, 3 ekoizle desberdinekin gehienez. Postu iraunkor bat esleituko zaio puntuaziorik handiena lortzen duenari, eta beste postua, txandaka, bigarren eta hirugarren puntuazio hoberena lortzen dutenen artean. Berdinketarik izanez gero, kontuan hartuko da eskaera horiek udalaren erregistroan sartzen diren hurrenkera.

Urte naturalean zehar hutsik dauden postuak, beren eskabidea indarrean edukiz eta baldintza guztiak betez, lehenago baimena lortu ez zuten eskatzaileen artean adjudikatuko dira. Eskabidean lortutako puntuaziorik altuena duenari esleituko zaio.

5. Baimenak iraungitzea.

Ordenantzan araututakoaz gainera:

Titularrak egindako baja eskaera.

Baimenaren baldintzak ez betetzea. Ez-betetze hori egiaztatu eta gero, horrek baimenaren ezeztatena ekarriko du berekin.

Postua berralokatzea.

Baimendu gabeko produktuen salmenta.

Salmentarako esleitutako eremutik kanpoan produktuak saltzea.

Urtean 2 hilabete jarraituz edo esleitutako aldiaren aldizkako 3 hilabetez merkatura ez etortzea, bidezko arrazoirik izan gabe.

Dagokion erakundeak deritzon beste edozein arrazoi justifikagarri.

Ustiatuegian bertan ekoiztiak ez diren beste norbaiten produktuen birsalmenta (nekazaritza ustiatuegien kasuan).

Artziniega, 2021eko urtarrilaren 18a

Alkatea

JOSEBA VIVANCO RETES